

821
N-52

NURULLOH NE'MAT

TONG
XUMORI



BIRINCHI KITOBIM



SHE'RLAR

Книга должна быть
возвращена не позже
указанного здесь срока

Количество предыдущих
выдач _____

--	--

801
N-50

- 1506 -

ЎЗБЕКИСТОН YOZUVCHILAR UYUSHMASI
"IJD" JAMOAТ FONDI

NURULLOH NE'MAT

SONG XUMORI

She'rlar



ЎЗБЕКISTON RESPUBLIKASI
O'QUV VA TA'LIM VAZIRLIGI
TOSHKENT VILOYATI CHIRCHIQ
SHARHI PEDAGOGIKA INSTITUTI
AXBOROT RESURS MARKAZI
1-FILIALI

TOSHKENT
"ADABIYOT" ZBEEKISTON RESPUBLIKASI
2020 VA O'RTA MAXSUS TAILIM VAZIRLIGI
TOSHKENT VILOYATI CHIRCHIQ
DAVLAT PEDAGOGIKA INSTITUTI
AXBOROT RESURS MARKAZI

Nashr uchun mas'ul:
Jo'rabek JAHON

Mas'ul muharrir:
Farog'at XUDOYQULOVA

Ushbu to'plamda jamlangan she'rlarni o'qib, Nurulloh singari iste'dodli ijodkorlar borligidan quvonmasligingiz dargunon. Uning she'rlarida vodiyning samimiy nafasi ufurib turadi. Yozganlarida go'zallikka havasmandlik, orzu-umidlarni yuksak pardalarda kuylaganini ko'rasiz. Uning borliqni cho'ng tushunchalar bilan tashbehlashga, so'z ila tabiatni chizishga harakat qilganligining guvohi bo'lasiz.

Ushbu kitob 2018-yili O'zbekiston Yozuvchilar uyushmasi she'riyat kengashi tomonidan nashrga tavsiya qilinib, "Ijod" jamoat fondi tomonidan moliyalashtirilgan.

ISBN 978-9943-6781-0-1

© N. Ne'mat, 2020
© "Adabiyot", 2020

UMIDLI IJODKOR

Nurulloh Abdushukurov o'rta maktabda o'qiyotgan yillaridan O'zbekiston Yozuvchilar uyushmasi Andijon viloyati bo'limi qoshidagi "Bobur izdoshlari" adabiy to'garagi a'zosi sifatida mashqlari bilan ustozlari-yu tengdoshlarining e'tiborini tortgan. Ayniqsa, "Onajon", "Oyni o'g'irlay", "Tong", "Shavkat Rahmon", "Mustaqil" kabi she'rlarini ijodkor do'stari ham yod biladi. Bu esa yosh shoirning qalblarga yetib bora oladigan satrlarining ekanligining yorqin isboti. "Bir shapaloq uring, onajon" deb yozadi u "Onajon" she'rida. Ushbu she'rning tarbiyaviy jihati, undagi maqsad badiiy so'z san'ati vositasida ravon, soddada va dilga juda tanish, yaqin tarzda ifoda etilgan.

Nurullohning yozganlarida yangi, ohori to'kilmagan qofiyalar, o'xshatishlar, topilidq misralar bor. Shuning uchun uning she'rlaridagi obrazlilik o'quvchini o'ziga tortib turadi. "Oyni o'g'irlay" she'rida esa:

*Nafasimni to'ldirib she'rga,
O'qib bo'ldim Shavkat Rahmoni.*

*Singlim bilan qaldirg'och birga**Sarishatalab qo'ydi ayvoni, – deya chiroyli*

satrlar tizadi.

Yosh shoir she'rlari ortiqcha izoh, maqto'v talab etmaydi, turli murakkabliklardan yiroq. Satrlari, ifodalari, fikrlari qanchalik ohori bo'lsa, shunchalik sodda va yoqimli. Bir so'z bilan aytganda, Nurulloh Ne'matning she'rlari taqdid, umumiylikdan yiroq. Ushbu kitobni mutolaa etish jarayonida ravon, dilga yaqin, quyma, hayotiy satrlarga duch kelgan she'r-xon zavq tuyadi, deb o'ylayman.

Xurshida VAHOBJON qizi,*O'zbekiston Yozuvchilar uyushmasi**a'zosi, shoir.***GAPIRDIM**

Bahorni qo'msagan maysaman,
Ko'nglimni uyg'otdi buloqlar.
Osmoni bag'ringa bosaman,
Arzlab qolmasa tuproqlar.

Daraxtlar sindirdi tishini,
Ko'zimga gullarni yashirdim.
Qushlarning tilini tushunib
So'zlashgan barglardek gapirdim.

Kaftimda o'ynagan shudringdan
Muzlagan o'ylarim ziloldir.
Oftobim, qo'rqaman nuringdan,
Yuzimda aks etgan hiloldir.



BOG' ICHIDA

Bog' ichida oralar qo'rquv,
Daraxtlarning o'chgandek rangi.
Tovonimda qimirlaydi suv,
Yer chizigi - ariqlar yangi.

Men o'zimga qidiraman joy,
Sham sochiga tutaman gugurt
Va tuyular osmondagi oy -
Pista idish ichidagi qurt.

Pichirlayman titroq ohangda
O'z so'zimga bo'lib intizor.
Gar uxlasam, uyg'otar tongda
Tun ko'ziga berkingan bahor.

**OYNI O'G'IRLAY**

Tun. Quyoshga aylandi xonam,
Tashqariga ochiq deraza.
Joynamozning ustida onam,
Niyati pok, istagi toza.

Nafasimni to'ldirib she'rga,
O'qir edim Shavkat Rahmonni.
Singlim bilan qaldirg'och birga
Sarishralab qo'ydi ayvonni.

Barmog'imni sog'ingan dasta -
Ukam yotgan beshikdir eshik.
Qarib qolgan daraxtlar xasta,
Qarib qolgan devorlar kemshtik.

Quchog'imga kirar shabada,
Erkalashga topolmayman so'z.
Koinotdek ulkan dalada
Ko'rinnmaydi birorta yulduz.

Bedor bo'ldim, tun bo'yi bedor
Ahvolimdan onam ham hayron.
Men o'g'iriman, oyni o'g'irlay,
Ko'zlaringni yumib tur, osmon!

BIR QARA

Qarasam, kipriying daraxtzor,
Ko'zlaring eslatar dengizni.
Yuzingda savolvash rang ash'or
Yo'zig'liq, Nurillo yolg'izmi?

Javobim – bittaman, ming qirra,
Sen-menga borishmas maqsadim.
Ko'zingda suzaman, bir qara,
Yuragimdan qayiq yasadim.



YODIMDADIR

Yodimdadir qachon yig'lab, qachon kuldim,
Kim yig'latdi, kim yupatdi, ko'rdim, dada.
Bir dard keladi, birda tashvish, zo'r kuydirgi,
Birga ko'nmay "birlar"iga ko'ndim, dada.

Yo'l o'ksinar "endi senda shohman" desam,
Dadam tashlab ketgan bag'ri dog'man, desam,
Qani edi, kim so'rasa, tog'man, desam,
Qoyalardan yo kammidi ko'nglim, dada?

Rasmingizga tushkun qarab, tushkun qarab,
Qotib ketdim tovonimdan mushim qadar.
Bir aylanib kirib qolgan tushimda ham
Demadingiz, "Omonnisan, o'g'lim", dada!

Yodimdadir qachon yig'lab, qachon kuldim,
Kim yig'latdi, kim yupatdi, ko'rdim, dada...

MEHR UNSINI!

Nurmuhammad akaga

Jinsuluv shamollar keldi kuzakiy,
Ko'nglimni tiddilar titganday xazon.
Akam-a, sharobmas, savob uzating,
She'r unsini!
She'r unsini!
Va hokazo...

Yillab yozolmadim ko'nglimni, savil
Yirtiq poyafzalim tersini o'nglab.
Ro'zg'or chin shoirning qo'lin qirgadi,
(Qayerdan tushunsin fikrati go'nglar.)

Kitobsiz... Kitobsiz... Havo yetmasdan,
Bilaman, kechirgan kechlarim harom.
Ertaga o'z boshin o'zi yemasmi,
Adabiyotsiz - adabsiz - fuqaro?!

O'zbeklar o'zligin borar unutib,
"Dilbuzar"ga berib yurak qo'rini.
Shaharda hayoning o'chmoqda quti,
Qushlarning qushligi qoldi ko'rinib.

Vatanni o'ylasam, kelar o'kirgim,
Dilim og'ushida ko'rgandek oyni.
Kimlardir millat deb dildan o'kindi,
Vijdonini sotti kimlardir, boyib...

Akam-a, sharobmas, savob uzating,
She'r unsini!
She'r unsini!
Va hokazo...
Shamoldan yuz burdim, kelgan kuzakiy,
Millatning ko'ngliga tushmasin xazon!



ONAJON

Qulog'imga kirmay qo'ydi gap,
Meni yo'ldan urdilar qachon?
Dangasam, deb maqtab, erkalab,
Bir shapaloq uring, onajoni!

Tushmasidan ko'zim lolaga,
O'xshab qolsin yuzim lolaga.
Odam bo'lay Xudo xohlagan,
Bir shapaloq uring, onajoni!

Odamlarga yuray maqtanib,
Ko'kragimni keray maqtanib.
Kaftingiz duoning vatani,
Bir shapaloq uring, onajoni!

Qaynoq so'zlaringiz bulog'in
Kerak yuragimga quymog'im.
Ochiliblar ketsin qulog'im,
Bir shapaloq uring, onajoni!

Qulog'imga kirmay qo'ydi gap...

YO'LGA CHIQQIM

Uyingizga boraman bugun,
Yo'lga chiqdim, mana, yo'ldaman.
Osmon kosa, yarimlagan kun,
Ana, uyg'oq atirgullar ham.

To'rt oyoqlab ketyapman, jigar -
Qizg'aldoqqa kelmaydi malol,
Izlaringiz bahorlar tilar,
Izlaringizga tushgan qiz-shamol.

Biling, sizni olib ketaman,
E'tirozga o'rin yo'q bunda.
Nafasim-la taqillatarman,
Eshigingiz ocharsiz shunda.



QO'NG'IROQ QILAMAN

Qo'ng'iroq qilaman, ovozim
 Qulog'ingni qo'yar qovurib.
 Ishqimiz gullaydi, tannozim,
 Sen meni, men seni sog'inib.

Ayridik, qayridik hijronga,
 Tuyg'ular qolgandek bo'g'ilib.
 Azoblar solganimiz qo'shiongga,
 Men seni, sen meni sog'inib.

Kelmasang yonimga, kelmasang,
 Borliq mendan yuz o'giradi.
 Qaniydi, jonimda gullasang,
 To'xtal! Bizni kim sog'inadi?



TONG

Siz tongsiz, men tongni sog'indim,
 Havosiz yasholmam, havosiz.
 Sochingiz bahoriy yomg'irning
 O'g'irlab olganni jilosingiz?

Har oni bir asr lahzalalar
 Ma'yuslik chizganda yuzimga,
 Shaharlik shovqinlar darg'azab,
 G'ildiraklar chalar musiqaga...

Ortda qolmay poyabzallardan,
 Dadil yurdim bir sizni o'ylab.
 Dumaladim goh asfaltlarda,
 Goh chiqdilar izimdan yo'llar.

Beorrom tunlarda oh urib,
 Iztiroblar chekdim-o, totli!
 Mana, qaytib keldim oxiri,
 O'zingizni osmonga oting!
 O'zingizni osmonga oting!!
 O'zingizni osmonga oting!!!

MUSTAQIL

Ochiq ayyon, so'rining ushi,
Yonboshladim to'shakka sekin.
Atirgullar singlimning do'sti,
Nastarinlar ko'zimga yaqin.

Ro'paramda ko'k soqol daraxt,
Uy sahniga sanchilgan o'rik.
Kuchukchamning yotgan yeri taxt,
Tandir tagin saroy der, sho'rik.

Men radio qulog'in burab,
Sokinlikka jo'shqinlik qo'shdim.
Devorimdan dadil mo'ralab,
Tinchlik bormi, dedi yon qo'shnim.

Hech zog' meni tushunmaydi-ya,
Yoqtirmayman sur odamlarni.
Mening uyim, xohlasam, deya,
Tinglayverdim yurak g'amlarim.

1506-

UZR

Qarolmayman bahor ko'ziga,
Vujudimga qo'rguv yastandi.
Iz tashladim burgut iziga,
Shunda qaddim tog'dek rostlandi.

Oq dalaga chizib ko'k rasm,
Shilliqqurtday to'lg'onar ariq.
Dahshatidir suvdagi aksim,
Nigohimning yuragi chandiq.

Qarolmayman bahor ko'ziga...



TIRILISH ILHOMLARI TURKUMIDAN

1.

Tuyg'ular uyg'ondi, tirildi ko'nglim
Dunyoni uyg'otgan quyoshday xuddi.
Oyog'imdan tortar tortinchoq yo'ling,
O'zimni unutdim – barin unutib...

Teraklar saf tortgan – go'li ko'ksida,
Iydalari diydamdek tosh qotgan hislar.
Ashaddiy oshning xuddi o'ziman,
Ashaddiy Majnunman – ko'ngli yalpiizga.

Muhabbat – buloqsuv tutgan hovuchday,
Iymon-e'tiqodday pokdir shunchalar.
Uni deb yetinchi osmondan tushdim,
Ay, kapalak kulgich, ayo, g'unchalab.

Men seni sog'indim, o'zi kechirsin,
O'zi shifo bersin dardi borlarga.
Umidlar uzilmay zanjir yechildi,
Oyoqlar, oyoqlar intizorlangan.

Ko'zlaring hadsizdir, kunin ko'rar deb,
Haddim siqqanidan, bosh uray qayga?
Sevgimni rad etgin, ko'nglimni rad et,
Quyoshing botishin istasang agar...

2.

Bo'ronga aylandim, bo'ldi, bo'lmadi,
Qldirdim undan-da kuchliroq shiddat.
To'xtab tur, ko'zingga qarab to'ymadim,
To'ymadim bejirim jilmayishingdan.

Ichimda ichikkan olov qurmag'ur
Yoqib tashlamogqa tayyor dunyoni.
Bag'rimni kuydirar – soching turmagi,
Endi rost Ehtiros, komil iymonim.

Holim yo'q, nigohing asirligida
Sovqotgan daraxtdak titrar tizlarim.
Qish qaytmas ortiga fasl ilmidan
Dars berar: tobora kunlar qisqarur.

Shoyadki, qor yog'mas qaboqlaringdan,
Sovuq qaramaysan ishqiy jimlikka.
O'zimni yo'qotib qarolaringda –
Qayta bino bo'lsam ko'ngil ilmingdan.

Bo'g'zim bo'g'ozidan toshib chiqar she'r,
Tishimni sindirib... seza qolg'in-a.
Yiqildim, qo'lni ber, sun'iy nafas ber,
Men esa, jonimni beray, jonginam!

SHAVKAT RAHMON

Manzura, tayyorlan, ketamiz O'shga,
Bizni tog'lar kutar – ko'zi mo'ltirab.
Netay, jon qarzim bor Xalq bergan ishqdan,
Ishq meni istagan yerda o'ldirari!

Kelajak, kelajak shoshilmay, yovqalb,
Bo'ronday begaror, shamolday sodda,
Avlodmisan avlod, jo'mard avlodlar,
She'rxonmi to'rt qator she'rda o'ldirari!

Yogamni yirtvorrdi buyuk hayajon,
Kimga ag'yor, kimga suyak hayajon,
Ojiza juvonday kuyuk hayajon,
Hayajon shoirni tezda o'ldirar.

Ko'zimga tik gara, mana, masalan:
Bir bahona, xolos, savil kasalim.
Erta o'ldiradi Xalqning nazari,
Xalqning muhabbati erta o'ldirari!

HADIK

Uchirab qolsang, nima derkimman,
Senga yo'llar yo'llar o'ng'aysiz.
Shamollar ortiga berkinma,
Qovurg'amdan bino bo'lgan qizi!

Gunoh ichra ungan xotiram,
Gar gullasa, qolgum dovdirab.
Borliging esimdan og'dirar,
Qovurg'amdan bino bo'lgan qizi!

Oldingda aybdorman, vodarig',
Ayblarim o'nglolmam og'darib.
Yuzimda soddalik – soxtalik...
Qovurg'amdan bino bo'lgan qizi!

Tog'day alam bag'rinni tildi,
Vafosi yo'q hislarni bildim.
Tavba qildim.
Sen nima qilding,
Qovurg'amdan bino bo'lgan qiz?!

...GA

Qozonmadim e'tiboringni,
Olganim yo'q ko'nglingni tortib.
Qayg'urmagin endi, jon singlim,
Seni yaxshi ko'rmanman ortiq.

Unutmayman. Beraman va'da,
Firog'ingda qolmayman gangib.
Bosh olib ketaman shahardan,
Jannatni tark etganday g'amgin.

Ketding! Qoldim. Dahshat-intiqlik,
Yana kelsang, beparvo kelgin.
Men o'ksimay ko'lka tikilib,
Yerda tugab qolganday sevgi.



ONA

Ko'zoynakdan boqasiz siniq,
Ko'zingizning nuri menmidim?
Yo'llaringga qadalgan so'niq
Yuzingizning nuri menmidim?

Boshingizni og'ritib yurib,
Kechiring, deb ko'p gapirganman.
Farzandlikni oqlamay turib,
Sochingizni ogartirganman.

Kechirimli bo'lgansiz, ona,
Boshqalarga o'xshamaysiz-o.
Mehriringizning taftidan yonib,
Shoir bo'lib ketseydim tezroq.

Meni kutib turibdi dunyo,
Lek haliyam o'zgarolmadim.
Yuzlab kitob o'qirdim, ammo
Ko'nglingizni ko'tarolmadim.

Kechiring, deb ko'p gapirganman.

VIJDONLI OSHIQ

Nigohim poyingga tushdi yiqilib,
Lahzalar go'l silkiib seni chorladi.
Sen kelding yetaklab yetti iqlimni,
Ilohiy tuyg'ular qoldi jonlanib.

Borlig'im qayg'udan burdi yuzini,
Yuzimga tabassum chizgach diydoring.
Shundog'am kutgandim, ming yil ezilib,
Nurab borayotgan g'arib binodek.

Ko'zingga ko'rinnmas qalbm isyoni...
O, o'tmish tilimni qisadi biram.
Qo'lingdan ushlashga qo'ymas vijdonim,
Sengacha mingtasin sevdim dovdirab.

Ko'nglimni chang bosgan aldov qo'ynida,
Qo'lida pand yedim ojizalarning.
Hatto qo'ymadilar yo'limni o'nglab,
Mo'jazgina dunyo mo'jizalari.

Armonlarim yig'lar chiqib osmonga,
Ko'zimga ko'rinar hadsizlik qadri.
Sevgilim, o'zing ayt, kim ishqdan tongan?..
Ko'nglingni so'rashga sig'maydi haddim.

IZOHSIZ SOG'INCH

Javobingni kutdim, o'zingni kutdim,
Bahorini kutgan daraxtday g'arib.
Ko'kargan savollar bog'zimdanda tutdi,
Eyl Yoqolgan dunyom, diydori darig'.

Oldin olg'ir edim, bo'ronday bedov,
Ko'zimga ilmasdim quyoshni, oyni.
Chirildoqlar bilan jo'r bo'lib bedor,
Kechalar nechalab taqdirni koyidim.

Saharlar hayqirib ismingni aytdim,
Har bitta harfini his qilib, asrab.
Muhabbat ko'ksingga chang solgan payti
Ayrilliq qoshingda chekarkan hasrat.

Ichlikdim... hech kimga yormay ichimni,
Xilvatda ko'nglimni ko'zimdanda to'kdim.
Javob ber, qaydasan, ol sog'inchingni,
Yo'qsa, chiqarolmaman bo'g'zimdanda ko'kni.

ORTIMGA QAYTMADIM*Og'ir kunlari ortda qolgan she'r*

Ortinga qaytmadim, qaysarman,
Yo'llar tush ko'rmagan izimni.
"Bor" deding solmasdan paysalga,
Vaqtida umringdan uzildim.

Ortimdan yugurdi nigohing,
Men esa ertamni quvladim.
Ismimni aytolma, iloho,
Meni deb urmasin yuraging!

Ko'zlaring ham dovdiramasin,
Kipriklaring shundog'am siniq.
Ko'zyoshingning tog'dek hamlasi
Yubormasin husningni tilib.

Ochilgan og'zing ham yopilmay,
Ketganimni aytarsan xalqqa.
Mening ko'nglim noyob topilma,
Unga hech kim topolmas malham.

"Qol" desang, izimni tiyardim,
Ko'ngil uchun – xudodan qo'rqib.
Avval seni borim qiynardi,
Mana, endi qiynaydi yo'g'im.

KO'NGLIM

Mening gulsevarim – gulquvar ko'nglim,
Hech qo'nim bilmaysan, tinim bilmaysan.
Topganing qolmaydi bag'ringga to'lib,
To'lganing arzondir, toshganing arzon.

Og'ir karvonimsan, yengil osmonim,
Mingta quyoshga ham dam berar tafting.
Shoxida bilganni titroqqa solib,
O'n sakkiz ming olam pishgan daraxtim.

Ko'nglim, ko'inotim, hayotim, dodim,
Oppoq qaldirg'ochim, ulkan qanotli.
Nozik tumsbug'ingda cho'qiblar gohi,
Bag'rimni qonatding, tunni qonatding.

Hamishahaborim, hamishabedor,
Hamishamajnunim, hamishazo'rim.
Odamlar yig'latsa, sen borsan debon,
O'zingga yig'larman to'g'ridan-to'g'ri.

Kashf etgan ulug'im, didi nozigim,
Ha'zida gapingga kirmasam, kechir.
Axir, biz bir butun, axir, biz hozir
Shu holda hech kimmiz, shu holda hech kim...

YIG'LAMAYMAN DEGIN

Qadog g'unchalagan qo'lingni ko'rsat,
 Chap ko'ksimga qo'ygin – so'z beraman deb.
 Yig'layotgan yurak meniki bo'lsa,
 Yig'lamayman degin, yig'lamayman dei!

Olib berolmasam quyoshni uzib,
 Qaro qilmayin deb ko'kning oq yuzin;
 Meni deb qiynalsang, demasam uzr,
 Yig'lamayman degin, yig'lamayman dei!

O'ylasang, ne kunlar tushmaydi esga,
 Bolaman olamdan ertaroq bezgan.
 Nogoh kulmay qo'ysam, es yiqar kezlar...
 Yig'lamayman degin, yig'lamayman dei!

Yig'lasang, to'kilib ketaman rostdan,
 (Baribir yupatib o'ktam ovozdaj),
 Itimos qilaman jumgina, unsiz,
 Yig'lamayman degin, yig'lamayman dei!

Men hali o'lmayman, ko'nglim tinch hali,
 Muhabbat bor ekan, tursa nay chalib.
 Gar keragin bo'lsa ro'molchangchalik,
 Yig'lamayman degin, yig'lamayman dei!

CHIROYLI XATO

O'z vaqtida kelgani yaxshi,
 O'z vaqtida kelar mashina.
 Ko'zlarim ko'k bilan birlashib,
 Bulutlarni qilar tarjima.

Yomg'ir boshlanadi negadir,
 Yechilgan belkatning kepkasi,
 Tomchilar g'ashimga tegadi,
 Dekabr uchirar yelkasin.

Bu ham bitta chiroyli xato,
 Tabiatning ketganmi tomi?
 Qahratonning ahvoli chatoq,
 Qahratonga achiydi jonim.

Ko'zlarimga ishonmas shamol,
 Ko'ksimga bosh qo'yar horganday...
 Ho'l borishim judayam yomon,
 Yoningizga
 Quruq borgandani!

O'z vaqtida kelar mashina...

SHABNAM DONALARI*To'rtliklar turkumidan*

Kapalagim
U bog'da ariga jilmaydi,
Gullarning bariga jilmaydi.
Mendek g'o'r bog'bonga ishonib,
Yonimdan nariga jilmaydi.

Istak

Yo'lingdan chiqmayman, yo'lingdan chiqma,
Ko'ngilsizlik qursin, ko'nglimdan chiqma.
Tashqari sovuqdir haddan tashqari,
Faqat tushimga kir, o'ngimdan chiqma...

O'xshatma

O'xshamaysiz, deding, hech kinga,
Tong otguncha, ne tong, shodlandim.
Halizamon xo'roz qichqirgay,
Ayt, shunchalik beo'xshovmanni?

Niyat

So'z shoiriga berilgan havo,
Bo'g'ilasan payti kelganda.
Berar edim millionta savol,
Shavkat Rahmon qaytib kelganda!

MUNDARIJA

Kuvshida Vahobjon qizi. Umidli ijodkor.....	3
Gapirdim.....	5
Bog' ichida.....	6
Oyat o'g'irlay.....	7
Bir qara.....	8
Yodimdadir.....	9
Mehri ansiol.....	10
Onajon.....	12
Yo'lga chiqdim.....	13
Qo'ng'iroq qilaman.....	14
Tong.....	15
Muskaql.....	16
Har.....	17
Tirilib ibnomlari turkumidan.....	18
Shavkat Rahmon.....	20
Harbi.....	21
Har.....	22
Har.....	23
Vijdoni oshiq.....	24
harbi sog'luch.....	25
orinimga quyamadim.....	26
ko'nglim.....	27
Vig'lamayman degin.....	28
Chiroqli kato.....	29
shabnam donalari.....	30

UO'K: 821.512.133-1(081)
KBK: 83.3(50'zb)

N 52

N 52 Ne'mat, Nurulloh.
Tong xumori [matn]: (she'rlar) / N. Ne'mat.
– Toshkent: "Adabiyot" nashriyoti, 2020. – 32 b.

Adabiy-badiiy nashr
NURULLOH NE'MAT
TONG XUMORI

She'rlar

Muharrir: *D. Mingboyeva*
Badiiy muharriri: *F. Ermatov*
Sahifalovchi: *N. Soatov*
Musahhili: *Sh. Hakimova*

O'zbekiston Yozuvchilar uyushmasi
"ADABIYOT NASHRIYOTI" MCHJ

Nashriyot litsenziyasi: AI № AA 0043. 27.01.2020.
100129, Toshkent shahri, Markaz-15. 1/90.
☎ (98) 128-30-04.

Bosishga 20.12.2020-yilda ruxsat etildi:
Ofset qog'oz. Qog'oz bichimi: 70x90¹/₃₂.
Ofset bosma. Hisob-nashriyot t. 1.0.
Adadi: 5000 nusxa. Buyurtma №380.

"AZMIR NASHR PRINT" MCHJ bosmaxonasida chop etildi.
100200, Toshkent shahri, Adham Rahmat ko'chasi, 10-uy.

O'ZBEKISTON RESPUBLIKASI
OLIIY VA O'RTA MAXSUS TA'LIM VAZIRLIGI
TOSHKENT VILOYATI CHIRCHIQ
DAVLAT PEDAGOGIKA INSTITUTI
AXBOROT RESURS MARKAZI
1-FILIALI

2.175 dsm